

SIARAN AKHBAR

BAKAL HAJI DINASIHAT SEGERA JAWAB SURAT TAWARAN

KUALA LUMPUR, 25 APRIL 2022- Lembaga Tabung Haji (**TH**) telah mengeluarkan surat tawaran tunai haji kepada 14,306 bakal jemaah bagi musim haji 1443H/2022M mulai hari ini, Isnin, 25 April 2022.

Pengarah Eksekutif Haji, Dato' Sri Syed Saleh Syed Abdul Rahman berkata bakal jemaah haji Malaysia boleh melayari www.thijari.com.my dan memuat naik aplikasi ThiJARI bagi menyemak dan menjawab tawaran haji yang telah dikeluarkan.

"Disebabkan kesuntukan masa, pihak kami mohon kerjasama semua bakal haji tahun ini untuk menjawab sama ada setuju atau tidak untuk menerima tawaran haji tahun ini dalam masa tujuh hari bekerja dari tarikh surat berkenaan" kata beliau.

Dato' Sri Syed Saleh turut memaklumkan bahawa semua bakal haji diwajibkan lulus pemeriksaan kesihatan bagi memperolehi visa haji sebagaimana yang ditetapkan oleh Kerajaan Arab Saudi.

"Para bakal haji terpilih perlu mendapatkan Buku Rekod Rawatan di mana-mana cawangan **TH** yang berhampiran bagi membolehkan pemeriksaan kesihatan dilakukan serta mendapat suntikan Meningococcal Quadrivalent Vaccine ACYW-135 yang boleh dilakukan di hospital kerajaan ataupun di klinik-klinik yang diiktiraf Kementerian kesihatan Malaysia. Bakal haji juga perlu melengkapkan dos pengalakan vaksin Covid 19," tambah beliau.

"Bakal haji juga digalakkan mengambil suntikan Imunisasi pilihan iaitu Influenza dan Pneumococal sebelum berlepas untuk membina daya pertahanan badan semasa di Tanah Suci sebagaimana yang disyorkan oleh Kementerian Kesihatan Malaysia," nasihat Dato' Sri Syed Saleh.

Setelah selesai pemeriksaan kesihatan, para bakal haji diminta untuk menghantar jawapan surat tawaran haji, buku rekod rawatan dan pasport antarabangsa ke mana-mana pejabat cawangan **TH** yang berhampiran.

Untuk maklumat lebih lanjut mengenai perkhidmatan **TH**, sila lawati www.tabunghaji.gov.my atau hubungi Tabung Haji Contact Centre (**THCC**) di talian 03-6207 1919.

-Tamat-

LEMBAGA TABUNG HAJI

Lembaga Tabung Haji (**TH**) merupakan sebuah badan berkanun yang ditubuhkan oleh Kerajaan Malaysia pada tahun 1963 dan ditadbir berdasarkan Akta Tabung Haji 1995 (Akta 535). **TH** menyediakan kemudahan bagi umat Islam di negara ini merancang simpanan bagi menunaikan ibadat haji.

Sebagai sebuah institusi haji terunggul negara dan mempunyai lebih 58 tahun pengalaman, **TH** sentiasa berusaha menyediakan perkhidmatan yang komprehensif dan sistematik demi menjaga kebajikan jemaah haji Malaysia (tidak termasuk urusan umrah). Selain diberi tanggungjawab dan amanah untuk menguruskan simpanan pendeposit serta urusan haji yang efisyen, **TH** turut menjalankan aktiviti pelaburan dalam dan luar negara yang berlandaskan syariah bagi memberi nilai tambah kepada simpanan para pendeposit.

Pencapaian **TH** yang konsisten ini telah mendapat pengiktirafan dunia sebagai model pengurusan haji inovatif dan mempunyai hampir sembilan juta pendeposit serta 123 cawangan dengan lebih 10,000 'touch-points' di seluruh negara. **TH** turut mempunyai sebuah pejabat yang beroperasi di Jeddah, Arab Saudi di bawah Konsulat Malaysia.

Untuk maklumat lebih lanjut mengenai perkhidmatan **TH**, sila lawati www.tabunghaji.gov.my atau hubungi Pusat Panggilan **TH** (**THCC**) di talian 03-6207 1919.

Keterangan lanjut mengenai siaran akhbar ini, sila hubungi:

Alisha Nur Mohd Noor Eksekutif Perhubungan Media Bahagian Komunikasi Korporat Lantai 16, Menara TH Tun Razak 201 Jalan Tun Razak Kuala Lumpur Tel: 03 2054 2238 Tel Bimbit: 019 6751762 Faks: 03 2164 0436 Emel: alisha.nur@lth.gov.my	Mohamad Naser Jaffar Pengurus Kanan Bahagian Komunikasi Korporat Lantai 16, Menara TH Tun Razak 201 Jalan Tun Razak Kuala Lumpur Tel: 03 2054 2451 Tel Bimbit: 019 2008438 Faks: 03 2164 0436 Emel: naser@lth.gov.my
---	---